


Bosna i Hercegovina
Federacija Bosne i Hercegovine
Hercegovačko – neretvanski kanton
Fond za zaštitu okoliša



Bosnia & Herzegovina
Federation of Bosnia & Herzegovina
Herzegovina - Neretva Canton
Environmental Fund

P R A V I L N I K
O MJERILIMA ZA OCJENJIVANJE ZAHTJEVA ZA DODJELU SREDSTAVA
FONDA, ODNOSNO PROGRAMA, PROJEKATA I SLIČNIH AKTIVNOSTI

Mostar, juli 2013. godine

Na osnovu člana 25. stava (4) Zakona o Fondu za zaštitu okoliša Hercegovačko – neretvanskog kantona („Službene novine HNK“, broj: 6/12) i člana 44. stav (1) tačka 6) Statuta Fonda za zaštitu okoliša Hercegovačko - neretvanskog kantona („Službene novine HNK“, broj: 9/12), Upravni odbor Fonda za zaštitu okoliša Hercegovačko – neretvanskog kantona, je na prijedlog direktora Fonda, na 3. sjednici održanoj dana 03.07.2013. godine, d o n i o

P R A V I L N I K
O MJERILIMA ZA OCJENJIVANJE ZAHTJEVA ZA DODJELU SREDSTAVA
FONDA ZA ZAŠTITU OKOLIŠA HERCEGOVAČKO-NERETVANSKOG KANTONA,
ODNOSNO PROGRAMA, PROJEKATA I SLIČNIH AKTIVNOSTI

Član 1.

Ovim Pravilnikom propisuju se kriteriji i mjerila za ocjenjivanje zahtjeva za dodjeljivanje sredstava Fonda za zaštitu okoliša Hercegovačko-neretvanskog kantona (u daljnjem tekstu Fond).

Član 2.

- (1) Zahtjevi za dodjelu sredstava Fonda ocjenjuju se prema kriterijima i mjerilima propisanim ovim Pravilnikom i konkursom.
- (2) Kriteriji i mjerila za ocjenjivanje zahtjeva koja će biti određeni u konkursnoj dokumentaciji, moraju biti u skladu sa ovim Pravilnikom.
- (3) Kod davanja zajmova, subvencija, finansijske pomoći i donacija, relevantan je stepen izvedivosti ulaganja te sposobnost korisnika sredstava prema kriterijima navedenim u stavu 2. ovog člana.
- (4) Za svaki pojedini konkurs, Upravni odbor Fonda može na prijedlog direktora Fonda, utvrditi pobliže kriterije i mjerila, pod uslovom da ti kriteriji i mjerila nisu u suprotnosti sa odredbama ovog Pravilnika.

Član 3.

Osnovni kriteriji i mjerila za ocjenjivanje zahtjeva i određivanja prednosti pri dodjeli sredstava Fonda su:

- pripremljenost projekata, programa ili sličnih aktivnosti za koje je raspisan konkurs (pripremljenosti stručne i tehničke dokumentacije, stepen spremnosti za početak radova, visina vlastitih sredstava korisnika) do 10 bodova,
- stepen povoljnog utjecaja na okoliš (održivi razvoj, očekivano poboljšanje kvaliteta okoliša ili povećanje energetske efikasnosti, cjelovit pristup investitora u rješavanju pojedinih pitanja zaštite okoliša i energetske efikasnosti, ispunjenje međunarodnih obaveza, stepen prioriteta iz programa zaštite okoliša) do 30 bodova,
- kvaliteta ponuđenog tehnološkog rješenja do 20 bodova,
- stepen ugroženosti okoliša (zaštićena područja, zaštićene biljne, gljivne i životinjske vrste, zaštićeni minerali i fosili, ekološki značajna područja, stepen smanjenja onečišćenja okoliša i negativnog utjecaja na okoliš i zdravlje ljudi, postupanje na temelju rješenja inspekcije radi uklanjanja rizičnih tačaka za okoliš i zdravlje ljudi) na području gdje bi se implementirao program, projekat ili slična aktivnost do 30 bodova,
- finansijska sposobnost korisnika sredstava na ulaganja i povrat sredstva, ako je povrat sredstava ugovoren do 10 bodova.

Član 4.

- (1) Najveći broj bodova koji se može dodijeliti korisniku sredstava Fonda, propisan članom 3. ovog Pravilnika, iznosi 100 bodova.
- (2) Prednost pri dodjeli sredstava Fonda imaju korisnici sredstava sa većim brojem ostvarenih bodova.
- (3) U slučaju da bilo koji od kriterija iz člana 3. ovog Pravilnika nije ispunjen, i po njemu je dodijeljeno nula (0) bodova, Fond će odbiti zahtjev ili zatražiti dopunu zahtjeva u kojoj se određuje i rok za dostavu dopune.
- (4) Zahtjev će se odbiti ako se u navedenom roku ne dopuni, a dopunjeni zahtjev ponovo se razmatra i ocjenjuje temeljem člana 3. ovog Pravilnika.

Član 5.

- (1) Na osnovu ocjene zahtjeva prema kriterijima i mjerilima iz člana 3. ovog Pravilnika, zaprimljeni zahtjevi svrstavaju se na rang listu, s obzirom na broj ostvarenih bodova.
- (2) Odluku o utvrđivanju rang liste i dodjeli sredstava Fonda na osnovu objavljenog konkursa donosi Upravni odbor.

Član 6.

- (1) Na osnovu odluke Upravnog odbora Fonda iz člana 5. ovog Pravilnika, direktor Fonda s korisnikom sredstava sklapa ugovor o korištenju sredstava Fonda.
- (2) Ugovorom iz stava 1. ovog člana, utvrđuju se iznosi odobrenih sredstava Fonda, dinamika njihove dodjele, uslovi i način korištenja dodijeljenih sredstava, način praćenja namjenskog korištenja dodijeljenih sredstava, te uređuju ostala međusobna prava i obaveze korisnika sredstava i Fonda.

Član 7.

Ovaj Pravilnik stupa na snagu davanjem saglasnosti od strane Ministarstva trgovine, turizma i zaštite okoliša HNK, a bit će objavljen u „Službenim novinama Hercegovачko – neretvanskog kantona“.

Bosna i Hercegovina
Federacija Bosne i Hercegovine
Hercegovачko – neretvanski kanton
Fond za zaštitu okoliša Hercegovачko – neretvanskog kantona
UPRAVNI ODBOR

Broj: UO- ___/13
Mostar, 03.07.2013. godine

PREDSJEDNIK

Alisa Hajdarović